

朔方備乘

北徼邑居考
良維窩集考
庫葉附近諸堡考
北徼山脈考

ル 5
103
9



兩方備案卷第二十

考十四

北極邑府考敘

北極邑府考敘一統志是編載並云北極邑府考敘

處有城隍名曰柏興鎮中隴州縣大有兵民數

百或千餘小者幾一二百設頭目一人管轄

商考曰隴州古謂民居為野姓俄羅爾與蒙古

部度極即有聲音即明人所云板升者也按

此字亦即星亦在每南音同尋子而後至西

呂
103
9



朔方備乘卷第二十

考十四

北徼邑居考敘

臣秋濤謹案一統志異域錄並云俄羅斯國各處有城堡名曰柏興猶中國州縣大者兵民數百或千餘小者纔一二百設頭目一人管轄四裔考曰蒙古語謂民居為拜姓俄羅斯與蒙古鄰接疑卽其轉音卽明人所云板升者也按拜姓亦作拜星亦作拜商皆由譯字偶殊至內府

支那所

與圖載俄羅斯諸柏興亦有作噶珊者考滿洲語稱鄉村爲噶珊名雖有殊其實則一又海國圖志載俄羅斯諸邑名與他書所載多異今合而輯之庶便於稽考云

柏興

臣秋濤謹案柏興拜商噶珊本同一類然內府圖載拜商六處噶珊五十七處一圖之中譯字各異似當各有取義未可遽合爲一也今悉依原文具載以稱柏興者彙於一處稱

拜商者次之稱噶珊者又次之其稱邑者列於後庶便於檢查云

楚庫柏興

臣秋濤謹案楚庫柏興亦作楚庫拜商亦作楚庫拜星在中國恰克圖之北約四百里異域錄曰楚庫柏興係俄羅斯國界相隔我國喀爾喀部長台吉車陵扎布之邊界博拉地方二百餘里其間皆山不甚大沿途皆林藪惟有杉松樺樹而已色楞格河寬四五十丈

不等水清溜急自西南向東北而流楚庫河
來自東南流至柏興之南十里外歸色楞格
河沿岸皆叢柳櫻菓榆樹二河交匯處有俄
羅斯收貯貨物倉房十餘間居舍數間皆樓
房用大木營治河內有船二十餘隻其船頭
聳尾齊寬丈餘長七八丈不等自二河交匯
處以北十里外色楞格河之東岸有大木營
治樓房百餘間無城垣四面皆山此處俄羅
斯與蒙古人等二百餘戶相雜散處有天主

堂三座小舟艇數百隻設管轄柏興頭目一
員駐兵二百名

烏的柏興

臣秋濤謹案烏的柏興亦作烏德拜商以烏
的河爲名漢時匈奴北境有烏揭國蓋卽此
地異域錄曰烏的柏興在楚庫柏興之東北
相去二百餘里山高大多林藪色楞格河邊
寬闊之處間有田畝色楞格河自西南流過
柏興向西北而流烏的河自東南來於柏興

之西繞流歸入色楞格河四面皆山無城垣
此處俄羅斯與蒙古人等二百餘戶雜處駐
兵二百名設管轄柏興頭目一員有天主堂
二座

那里穆柏興

臣秋濤謹案那里穆柏興當在瑪古斯歸和
屯西瑪古斯歸卽異域錄之麻科斯科也據
圖有小河名訥里謨瓦河自窩集內發源南
流注於達格河達格河卽揭的河也訥里謨

瓦卽那里穆柏興當在此河之旁而圖失載
當依異域錄補之異域錄曰那里穆柏興在
麻科斯科之西北其間水程二千五百餘里
鄂布河自東南流來過柏興向西北而流大
於伊聶謝河揭的河來自東南流至柏興附
近歸入鄂布河居住四五十戶俱俄羅斯有
天主堂二座設管轄柏興頭目一員無兵

伊聶謝柏興

臣秋濤謹案伊聶謝柏興卽圖之惹尼色斯

歸和屯說詳城垣考

蘇爾呼忒柏興

臣秋濤謹案蘇爾呼忒柏興卽圖之蘇爾古特和屯說詳城垣考

拜商

伊談珠拜商

臣秋濤謹案伊談珠拜商一作伊坦珠一作衣攤朮以水爲名東有大山西有色楞格河北有巴爾古錫穆河南有伊坦珠河伊坦珠

河出東南山中流至拜商西南入色楞格河

烏德拜商

臣秋濤謹案烏德拜商卽烏的柏興已見前

伊拜商

臣秋濤謹案伊拜商與中國接界東有陽阿林爲楚庫河所出西與南皆至楚庫河逾河卽中國境也

楚庫拜商

臣秋濤謹案楚庫拜商卽楚庫柏興已見前

鄂伯爾齊都勒拜商

臣秋濤謹案鄂伯爾齊都勒拜商西臨楚庫

河逾河為中國界南至伊拜商

阿穆哈拜商

臣秋濤謹案阿穆哈拜商東臨阿穆哈河阿

穆哈河即中國之克穆河又有阿努河自中

國來合於阿穆哈河其合流處在拜商東拜

商北至瑪古斯歸和屯南至烏邁圖拉

噶珊

佳達刮噶珊

臣秋濤謹案佳達刮噶珊在郭列穆瑪河入

北海處噶珊北臨海西臨河東北至博特錫

倭爾斯歸和屯西南至德爾吉郭列穆斯歸

和屯

集敏噶噶珊

臣秋濤謹案集敏噶噶珊在衛底穆河西列

訥河東有巴多瑪徐噶雅河發源噶噶珊之西

西北流入列訥河

鄂爾佛拉特噶珊

臣秋濤謹案鄂爾佛拉特噶珊在倭爾郭任

斯歸和屯東北噶珊東臨列訥河北臨古達

河

格勒噶珊

臣秋濤謹案格勒噶珊在列訥河發源處南

有大山隔山即白哈爾湖

米德里斯克噶珊

臣秋濤謹案米德里斯克噶珊在列訥河西

岸北有郭瓦倭河南有粗存河

噶們噶噶珊

臣秋濤謹案噶們噶噶珊在惹尼色斯歸和

屯東南噶珊西有噶們噶河北流合於色楞

格河

鄂羅錫金噶珊

臣秋濤謹案鄂羅錫金噶珊在瑪古斯歸和

屯西有達格河源出噶珊之東流遶其北

穆納薩爾噶珊

臣秋濤謹案穆納薩爾噶珊在鄂羅錫金噶珊西噶珊北有達格河即異域錄所云揭的河也

色爾日噶珊

臣秋濤謹案色爾日噶珊在穆納薩爾噶珊西噶珊北有達格河

納生斯噶珊

臣秋濤謹案納生斯噶珊南與中國所屬之亨吉泊相直東有哈屯河發源中國西北流

入額爾齊斯河西有色畢河

蘇斯德必噶珊

臣秋濤謹案蘇斯德必噶珊東北至阿巴圖

拉南逾哈屯河至納生斯噶珊西逾哈屯河

至博蘇噶珊

博蘇噶珊

臣秋濤謹案博蘇噶珊東至蘇斯德必噶珊

西至吉爾日斯噶珊北至哈屯河南至沙拉

哈爾海

吉爾日斯噶珊

臣秋濤謹案吉爾日斯噶珊東至博蘇噶珊

南至汗阿林西有無名河北流入於哈屯河

德勒尼特斯噶珊

臣秋濤謹案德勒尼特斯噶珊東北有哈屯

河北流合於鄂必河西南有惹謨斯夸湖

瓦欣阿噶珊

臣秋濤謹案瓦欣阿噶珊東逾鄂必河至格

野斯歸和屯北逾鄂必河至納隆和屯西有

瓦欣阿河北流入鄂必河

羅納郭昂噶珊

臣秋濤謹案羅納郭昂噶珊東有瓦欣阿河

北有鄂必河二河合於噶珊東北

瑪齊木噶珊

臣秋濤謹案瑪齊木噶珊西有噶錫穆噶河

東有鄂必河二河合於噶珊之北

格里穆噶穆噶珊

臣秋濤謹案格里穆噶穆噶珊西至額爾齊

斯河南至薩林噶珊

薩林噶珊

臣秋濤謹案薩林噶珊北至格里穆噶穆噶

珊南逾鄂必河至薩瑪羅特和屯鄂必河至

噶珊西南合於額爾齊斯河

色瑪斯噶珊

臣秋濤謹案色瑪斯噶珊西逾額爾齊斯河

至格倫錫甘噶珊南逾額爾齊斯河至索噶

爾噶珊

索噶爾噶珊

臣秋濤謹案索噶爾噶珊西北至格倫錫甘

噶珊西南至訥特斯噶爾古噶珊東臨額爾

齊斯河

惹底噶珊

臣秋濤謹案惹底噶珊東臨額爾齊斯河逾

河至薩林噶珊

訥特斯噶爾古噶珊

臣秋濤謹案訥特斯噶爾古噶珊東北至索

噶爾噶珊西南至郭特斯歸和屯東臨額爾齊斯河

格倫錫甘噶珊

臣秋濤謹案格倫錫甘噶珊東逾額爾齊斯河至色瑪斯噶珊東南至索噶爾噶珊西北至巴拉索瓦和屯

伯蘇噶珊

臣秋濤謹案伯蘇噶珊東至郭斯郭薩和屯西逾額爾齊斯河至郭特斯歸和屯

羅郭衛噶珊

臣秋濤謹案羅郭衛噶珊東北逾額爾齊斯河至惹薩克吉和屯東南逾作爾納雅河至巴拉索瓦和屯北至阿布定噶珊

阿布定噶珊

臣秋濤謹案阿布定噶珊在額爾齊斯河入北海處北濱海東濱河

倭克噶珊

臣秋濤謹案倭克噶珊南逾額爾齊斯河至

底穆彥斯歸和屯北至袞達河西南至甘薩
穆噶珊

瓦噶噶珊

臣秋濤謹案瓦噶噶珊東至多拉和屯西至
阿傅瑪克噶珊南臨額爾齊斯河

甘薩穆噶珊

臣秋濤謹案甘薩穆噶珊東北至倭克噶珊
南逾額爾齊斯河至底穆彥斯歸和屯

伊斯噶爾噶珊

臣秋濤謹案伊斯噶爾噶珊東北至羅郭衛
噶珊南臨作爾納雅河

阿傅瑪克噶珊

臣秋濤謹案阿傅瑪克噶珊東至瓦噶噶珊
西至瓦都歸和屯南臨額爾齊斯河

多爾噶惹爾噶珊

臣秋濤謹案多爾噶惹爾噶珊北逾額爾齊
斯河至瓦都歸和屯東至伊順斯歸和屯

鄂達巴里噶珊

臣秋濤謹案鄂達巴里噶珊東南北三面皆老林窩集也東南數百里逾額爾齊斯河至托博爾和屯西北數百里至伊斯瑪和屯

達傳達噶珊

臣秋濤謹案達傳達噶珊東北至鄂達巴里噶珊西北至郭蘇特斯歸和屯

古斯達雅噶珊

臣秋濤謹案古斯達雅噶珊在勒拉河之北噶珊東南至羅斯衛斯歸和屯西北至索里

噶穆斯歸和屯

博和穆噶珊

臣秋濤謹案博和穆噶珊東北至古斯達雅噶珊西南至瓦爾郭都里雅和屯

德都爾噶珊

臣秋濤謹案德都爾噶珊東南北三面俱臨倭爾噶河即佛爾格河也東逾河至薩瑪拉和屯

烏薩噶珊

臣 秋濤謹案烏薩噶珊東北兩面俱臨倭爾噶河其西南皆老林窩集也

巴達雅噶珊

臣 秋濤謹案巴達雅噶珊南臨倭爾噶河東南逾河至烏薩噶珊

索爾拉噶珊

臣 秋濤謹案索爾拉噶珊東至額集爾河西至襍里和屯

惹爾納襍噶珊

臣 秋濤謹案惹爾納襍噶珊東北至襍里和

屯西南至薩爾噶珊

薩爾噶珊

臣 秋濤謹案薩爾噶珊東北至惹爾納襍噶珊南至索啻克薩爾噶珊

索啻克薩爾噶珊

臣 秋濤謹案索啻克薩爾噶珊北至薩爾噶珊南至古里克三噶珊西至敦河

古里克三噶珊

臣秋濤謹案古里克三噶珊西臨敦河北至索啻克薩爾噶珊

色菲阿斯噶噶珊

臣秋濤謹案色菲阿斯噶噶珊東北至德都斯和屯西北至噶贊和屯卽喀山也

畢斯達賴惹噶珊

臣秋濤謹案畢斯達賴惹噶珊南臨敦河西臨多訥特斯河逾河至格里博根和屯

佛德勒必宋達噶珊

臣秋濤謹案佛德勒必宋達噶珊在法色河入黑海處西北臨河西南臨海

巴瑪拉噶珊

臣秋濤謹案巴瑪拉噶珊東北至謨斯夸國都西南至德爾必郭傅和屯

多倭爾噶珊

臣秋濤謹案多倭爾噶珊南北各有河至噶珊東合流爲格勒斯瑪河下游入倭爾噶河

若安郭羅特噶珊

臣秋濤謹案若安郭羅特噶珊北濱波羅的

海西逾河至訥爾瓦和屯

斯郭羅傅噶珊

臣秋濤謹案斯郭羅傅噶珊東與南皆臨涅

博爾河東北逾河至因斯拉傅和屯

訥生噶珊

臣秋濤謹案訥生噶珊東北至巴圖林和屯

西南至博斯羅和屯

德爾博特噶珊

臣秋濤謹案德爾博特噶珊東北臨博斯布

湖逾湖至訥爾瓦和屯

郭賴噶珊

臣秋濤謹案郭賴噶珊北與西皆臨涅博爾

河逾河東北行至斯郭羅傅噶珊

多爾斯布爾噶珊

臣秋濤謹案多爾斯布爾噶珊北臨波羅的

海東直訥爾瓦和屯

薩里斯噶珊

臣秋濤謹案薩里斯噶珊西北臨波羅的海東北沿海至博爾訥和屯

附錄諸邑

臣秋濤謹案邑即拜商噶珊也攷魏源海國國志載俄羅斯圖所列諸邑與內府圖所列拜商噶珊名多不同彼此互異難以強合蓋由譯字之殊或有更改皆未可知謹附著於後以資攷證其敘次仍自東而西便於檢查云

朱馬邑

臣秋濤謹案朱馬邑東直大拉該海西直荷

葛斯克城

立尋邑

臣秋濤謹案立尋邑在拜刺湖之東其東與尼爾城相望

古亞西邑

臣秋濤謹案古亞西邑東南直額爾古克城西直級納邑蓋科利弗部所屬也

級納邑

臣秋濤謹案級納邑東直古亞西邑西直巴那爾城南直西安邑

西安邑

臣秋濤謹案西安邑東直額爾古克城西直巴里邑北直級納邑南直中國喀爾喀界

巴里邑

臣秋濤謹案巴里邑東直西安邑西直烏塔鄰邑北直巴那爾城南直中國喀爾喀界

烏塔鄰邑

臣秋濤謹案烏塔鄰邑東直巴里邑西直哈薩克界北直雜米夜蘭城南直中國喀爾喀

界

圩屈邑

臣秋濤謹案圩屈邑東直華尼西河西直易武邑北直惡開牙港南直都莫斯部

阿士羅邑

臣秋濤謹案阿士羅邑東直惡開牙港西直

米里續邑北直甲拉港南直圩屈邑

甲路土邑

臣秋濤謹案甲路土邑東直圩屈邑西直烏

拉嶺北直易武邑南直甲塔鄰城

易武邑

臣秋濤謹案易武邑東直圩屈邑西直烏拉

嶺北直土鄰邑南直甲路土邑

土鄰邑

臣秋濤謹案土鄰邑東直圩屈邑西直烏拉

嶺北直璧鄰邑南直易武邑

璧鄰邑

臣秋濤謹案璧鄰邑東直圩屈邑北境西直

烏拉嶺北直米里續邑南直土鄰邑

米里續邑

臣秋濤謹案米里續邑東直阿士羅邑西直

莫斯窪國都北直大山南直璧鄰邑

波束邑

臣秋濤謹案波束邑東直莫斯窪國都西直

魯西國北直瓦黑特海南直小俄羅斯按方隅當卽今所稱波蘭部東字蓋蘭字之脫誤也

朔方備乘卷二十一

知縣吳壽坤初校
舉人胡景桂覆校

朔方備乘卷第二十一

考十五

良維窩集考敘

臣秋濤謹案東北方曰良維吉林黑龍江二省實居良維之地山水靈秀拱衛

陪京其間有曰窩集者蓋大山老林之名良由地氣深厚物產充盈故材木不可勝用洵所謂神皋陸海也然窩集不僅稱富饒並足以資防衛蓋自黑龍江以西皆設喀倫爲界獨吉林等處

東限於海北接俄羅斯邊界數千里初未設立
喀倫惟賴窩集之險以限戎馬之足其興安嶺
以北俄羅斯境亦多窩集地氣苦寒人跡罕到
從古部落之居於是者非務游牧卽事採捕以
故深山林木鮮羅斧斤之患而數千百里絕少
蹊徑較之長城巨防尤爲險阻伊古以來多以
窩集爲部落之名良有以也因詳徵其事以備
覽觀云

窩集總載

聖祖仁皇帝御製文集曰窩集東至海邊接連烏拉黑
龍江一帶西至俄羅斯或寬或狹叢林密樹鱗次櫛
比陽景罕曜如松柏及各種大樹皆以類相從不雜
他木林中落葉常積數尺許泉水雨水至此皆不能
流盡爲泥滓人行甚難有熊及野豕貂鼠黑白灰鼠
等物皆資松子橡實以爲食又產人參及各種藥料
人多不能識者蓋與南方湖廣四川相類

高宗純皇帝御製窩集行日履山念無海泛水忘有陸
今茲識窩集萬彙唯一木江南塞北攬概頻豈無林

前代備要 卷二十一
二
箐皆子孫東方甲乙稟靈秀固應富有植類羣始從
芘虜入麓口漸進蕭森失見後祇容線隙露天光馬
弗敢旁遵路走不能婁舉丹黃青亦有翻書莫辨名
爾雅所記限方域安能到此杞宋徵參天蔽虧絕飛
鳥其下菁英茁仙草落葉布地似黃金疑是長者來
問道華嚴海會諸佛處一菩薩一菩提樹心花顯映
多吉祥世塵遠隔如雲霧宇宙以來便有此大椿扶
桑非其比定應默煩靈祇呵不知遞閱人代幾陰晴
變幻光怪奇谷神出巧能爾爲畫師未可形容擬大

匠詎敢斤斧斯初經奧壤心神清色惟真色聲真聲
欲笑嵇含花木疏點筆聊爲窩集行

高宗純皇帝御製駐蹕庫勒訥窩集口詩曰窩集夫何
許遙瞻已不凡真堪稱樹海乍可悟華嚴紫翠紛間
柯龍蔥鎖峽巖恰如望瀛渤未飲早知鹹

高士奇日錄云烏稽中皆喬松及樺柞樹間有
榆椴鱗接虬蟠纓山帶澗蒙密紛糾白晝晦暝
霜旦葉凋略見曦月樹根亂石礫碗錯落疑無

道路

臣秋濤謹案
烏稽卽窩集

柳邊紀略曰自混同江至甯古塔窩稽凡二日

那木窩稽

一作諾木阿機一作納木阿機明初置納木河衛萬曆三十八年庚戌十

一月

大清

曰色出窩稽

一作色赤阿機通志作色齊窩集

那木窩稽四十里色出窩稽六十里各有嶺界

其中萬木參天排比聯絡間不容尺近有好事

者伐山通道乃漏天一綫而樹根盤錯亂石坑

呀秋冬則冰雪凝結不受馬蹄春夏高處泥淖

數尺低處匯為波濤或數日或數十日不得達

蚊虻之類攢啗人馬馬畏之不前有死者乃焚

青草聚煙以驅之夜據木石燎火自衛山魃野

鬼嘯呼墮人心膽餒則咽乾糧或射禽獸燒而

食之糧盡又無所得久之水不涸則死矣凡人

窩稽者必挂一物於樹言笑不敢苟若齋然否

則多躡蹠或曰山神為祟云

甯古塔紀略載吳兆騫自甯古塔赦歸行二日

過石頭甸子第三日進大烏稽松林千里無際

皆太古時物車馬橫過六十里不見天日微風

震撼濤聲澎湃啼鳥號颯略不畏人初入林口

行人各取身旁小物懸樹以敬神夕宿嶺下滿
兵取大樹皮二三片闊丈餘鋪如船篷可容坐
臥取所獵獐鹿炙割而食夜半忽聞怪聲山摧
地裂乃千年枯樹摧折之聲也第五日復過小
烏稽三十里如前狀

黑龍江外紀曰山中林木蒼蔚水澤沮洳之區
號窩集黑龍江境內著名窩集四曰巴延窩集
庫穆爾窩集巴蘭窩集吞窩集見幕府圖籍而
盛京通志不載然通志稱甯古塔城東北六

百五十里混同江北有巴蘭窩集稍東百餘里
有吞窩集則圖籍似誤通志又稱齊齊哈爾城
東七百五十里有巴蘭河稍東三百里有吞河
並南流入混同江夫窩集河水所源河在齊齊
哈爾而以窩集屬甯古塔何相距之懸遠耶

窩集國名考

滿洲源流考曰謹案兩漢晉魏時國於東方者
爲夫餘挹婁三韓其邑落散處山海間者又有
沃沮濊等名以史傳核之沃沮之在東者東濱

大海北接挹婁夫餘又有北沃沮南沃沮並皆散處山林無大君長所云單單大嶺卽長白山單單與滿洲語珊延音固相近也今自長白附近東至海邊北接烏拉黑龍江西至俄羅斯叢林密樹綿亘其間魏母邱儉討高麗絕沃沮千餘里到肅慎南界則沃沮者實卽今之窩集也

臣秋濤謹案

欽定開國方略天命天聰年間屢征東海渥集部渥集卽窩集蓋其人散居窩集之中卽以爲部落名

也至古人以此名國尙不止沃沮一國如元魏之勿吉國隋唐之靺鞨國唐之拂涅部遼之屋惹國皆卽窩集二字譯寫各異其以老林爲窩集而因以名國則數千年未有改也諸國事實詳見正史謹考其命名之本義如此

吉林黑龍江窩集

納穆窩集

滿洲語納穆生菜也在吉林城東一百二十里高三百餘丈城東南諸河

俱發源於此西接納穆達巴罕

塞齊窩集

滿洲語塞齊劃破之謂也在吉林城東二百十二里高五里週圍十里城

東諸河及甯古塔諸河俱發源於此

瑪爾瑚哩窩集 在吉林城東六百里

琿托和窩集 滿洲語琿托和半也在吉林城東七百六十里

聶赫窩集 滿洲語聶赫鴨也亦作尼葉赫在吉林城東八百里

蘇扎哈窩集 滿洲語蘇扎哈已支也在吉林城東一千里東南曰鄂勒歡綏芬

勒富窩集 在吉林城東南一千五百四十里勒富河發源於此

烏蘇哩窩集 在吉林城東二千二百里

納秦窩集 滿洲語納秦海青也在吉林城東南七百三十里長白山之北崇岡疊嶂

茂樹深林百餘里城南諸河俱發源於此

色勒窩集 滿洲語色勒鐵也在吉林城東南四百五十里

庫勒納窩集 在吉林城西南一百四十里東接庫勒亨窩集北接庫楞窩集其南

即長嶺子城西諸河俱發源於此乾隆十九年高宗東巡有御製駐蹕庫

勒納窩集口詩

納嚕窩集 在吉林城西南五百四十九里即分水嶺之南密林叢翳周數十里城西

南諸河及興京界內諸河俱發源於此

錫蘭窩集 滿洲語錫蘭相連也在吉林城東北一百九十五里

和倫窩集 在吉林城東北二百五十三里西接鄂多諾山

瑪延窩集 在吉林城東北四百五十里

小窩集

在吉林城東北八百三十里

佛勒亨窩集

滿洲語佛勒亨草棚也在吉林城東北一千五百里

畢展窩集

在吉林城東北一千七百里

奇穆尼窩集

在吉林城東北一千七百四十里

吉林窩集

在吉林城東北二千一百里

亨庚窩集

在吉林城東北三千五百里臣秋濤謹案一作亨根倭集

敦敦窩集

滿洲語敦敦小蝶也在吉林城東北三千四百里

都林窩集

滿洲語都林一半也在吉林城東北三千六百里

阿庫密窩集

滿洲語阿庫密魚皮衣也在甯古塔城東一千四百二十里

僧庫勒窩集

滿洲語僧庫勒韭菜也在甯古塔城東二千一百四里

畢楞窩集

滿洲語畢楞母虎也在甯古塔城東二千二百六里

克呀穆窩集

滿洲語克呀穆城塚也在甯古塔城東二千三百三里

畢呀根窩集

滿洲語畢呀根柳條邊也在甯古塔城東二千六百五十九里

佛楞窩集

在甯古塔城南八十七里

索爾和綽窩集

在甯古塔城南一百里

瑪爾呼哩窩集

在甯古塔城南一百五十里噶哈哩河發源於此

珊延畢爾罕窩集

在甯古塔城東南五十里

阿勒哈窩集

在甯古塔城東北六百三十餘里

巴蘭窩集

滿洲語巴蘭形勢也在甯古塔城東北六百五十里在混同江之北相近

有巴蘭屯

屯窩集

滿洲語屯海島也在甯古塔城東北八百餘里在巴蘭窩集之東混同江北臣

秋濤謹案一作吞窩集

温登窩集

在甯古塔城東北一千一百里在混同江北

都爾窩集

在甯古塔城東北一千二百里在温登窩集之東

喀穆尼窩集

在甯古塔城東北一千四百里在甯古塔城東北一千四

畢歆窩集

滿洲語畢歆鞍轡平飾伴也在甯古塔城東北一千七百餘里

和羅窩集

滿洲語和羅山谷也在甯古塔城東北一千七百餘里

庫嚕窩集

滿洲語庫嚕爛餅也在甯古塔城東北一千八百餘里在喀穆尼窩集之

東

明噶哩窩集

在甯古塔城東北一千八百五十七里

莊藹窩集

在甯古塔城東北二千二百五十九里

庫勒克窩集

在甯古塔城東北二千二百六十四里

海蘭窩集

在甯古塔城西北二百里西接畢爾罕窩集連接瑪展窩集綿亘數百里

畢爾罕窩集

在甯古塔城西北二百二十里西接塞齊窩集

庫穆哩窩集

蒙古語庫穆哩器卍印著也在黑龍江城西南一百五十里

呼瑪爾窩集

在黑龍江城西北七百里

附錄窩集發源諸水

依什河 滿洲語依什羅漢松也在吉林城東一百四十里源出塞齊窩集合噶嚕河

八混 同江

額伊呼河 在吉林城東一百四十餘里源出納穆窩集南流合拉發河西入混同江

噶嚕河 滿洲語噶嚕天鷲也在吉林城東一百七十里源出塞齊窩集南流合拉發河

珠嚕多觀河 在吉林城東二百九十里源出塞齊窩集東南會勒富善河

山壁河 滿洲語山壁涼水投物也在吉林城東三百七十里源出塞齊窩集東南會珠嚕

多觀河

綏哈河 滿洲語綏哈艾也在吉林城西四十里源出庫勒訥窩集與蒐登河伊拉齊河

合北流為鄂河 北注混同江

蒐登河 在吉林城西八十餘里源出庫勒訥窩集

伊拉齊河 滿洲語伊拉齊第三也在吉林城西九十里源出庫勒訥窩集

薩喇河 滿洲語薩喇織也在吉林城西一百二十餘里源出庫勒訥窩集北流會伊勒

河們

伊勒們河 在吉林城西一百四十五里源出庫勒訥窩集其東有薩喇河西北流注

之西有勒富都岱二河俱北流注之北流出

邊會伊敦河入混同江金史溫屯噶布額思

居長白山阿卜薩河徒隆州額勒敏河額勒

敏即伊勒們之轉音也明一統志有伊密河

在開原城北四百里源出艾河北山北流合

伊圖河入松花江即此按溫屯噶布額思原

作温屯姑蒲刺史阿卜薩原作阿不幸額勒
敏原作移里閔伊密原作一迷並乾隆年間

改譯

勒富河 在吉林城西一百六十餘里源出

安巴雅哈河 在吉林城西三百二十餘里源出

阿濟格雅哈河 在吉林城西三百四十餘里源出

克爾素河 在吉林城西四百餘里源出庫勒訥

北支流曰穆當阿克爾素河乾隆八年御製至克爾素河奉

天官兵
來接詩

佛爾們河 在吉林城南四十三里源出

海蘭河 在吉林城南七十里源出

得佛河 滿洲語得佛緞幅也在吉林城南七十里

瑪延河 在吉林城南一百七十里源出庫勒訥

三十里

輝發河 在吉林城南三百二十里源出納嚕窩

東北入混同江明一統志有輝發江源出瀋

陽衛廢貴德州東北流入松花江西去開原

奇爾薩河 滿洲語奇爾薩沙狐狸也在吉林城

東南流入輝發其上
流即曰庫勒訥河

坦頻河 滿洲語坦頻瓶也在吉林城南四百七十里源出庫勒訥窩集東南流入輝發

布爾堪河 在吉林城南四百七十里源出庫勒訥窩集東南流合坦頻河入輝發河

其東南又有支流曰固恩河

發河 在吉林城南四百七十里源出佛斯亨山北流入輝發河又有一在城南六百六十

餘里源出納秦窩集北流至兩額音合流處入混同江

三屯河 在吉林城南四百八十里源出納嚕窩集東北流會雅吉善河圖們河即為輝

發河又南有支流曰塔木品河

圖們河 在吉林城南五百里源出納嚕窩集東北流合雅吉善河三屯河即為輝發河

明志有徒門河流經建州衛東南一千里入於海即此又其北有支流曰楊武河西北曰

幹穆呼河 在吉林城南五百五十里源出納秦窩集北流至三音額音額赤額音兩

河會流處並入混同江

摩克托含哩河 在吉林城南八百二十餘里源出納秦窩集西流入額赫額音

佛多和河 滿洲語佛多和柳樹也在吉林城南八百四十餘里源出納秦窩集西流

入額赫額音河有二一在城東三百八十里源出納穆窩集西流入混同江

泥堪河 滿洲語泥堪漢人也在吉林城南八百七十二里源出納秦窩集西北入額赫

額音河

哈薩喇河

在吉林城北二百十五里源出錫蘭窩集西北流入拉林河

額赫茂河

在吉林城東南六十里源出納穆窩集西流入混同江

拉發河

在吉林城東南九十六里源出納穆窩集即額伊呼伯辰依什噶魯四河合流

處西南入混同江

雅們河

在吉林城東南九十八里源出納穆窩集西南入混同江

穆陳河

滿洲語穆陳益也在吉林城東南三百十里源出塞齊窩集西流入混同江

色勒河

在吉林城東南四百六十六里源出塞齊窩集西流入混同江

汗察罕河

蒙古語汗君長也察罕白色也在吉林城東南四百三十里源出塞齊窩

集東南會勒富善河

堪濟哈河

滿洲語堪濟哈紅嘴白頭雁也又眼

十里源出塞齊窩集東南入勒富善河

薩穆什河

滿洲語薩穆什散也在吉林城東南四百四十里源出塞齊窩集西南入

混同江

農額勒海蘭河

在吉林城東南五百八十七里源出塞齊窩集西南流入混同

江

達呼河

滿洲語達呼端罩也在吉林城東南六百七十里源出納秦窩集西北流入混

同江

五里河

在吉林城東南七百七十里源出納秦窩集北流入混同江

吉朗吉海蘭河

在吉林城東南七百九十里源出納秦窩集北流入混同江

庚吉音河

滿洲語庚吉音明也在吉林城東南八百二十七里源出塞齊窩集南流

入混同江

永安錫庫河

滿洲語永安砂也錫庫撒袋內觀格也在吉林城東南九百三十七

里源出納秦窩集北流入混同江

哈瞻河

滿洲語哈瞻木柵欄也在吉林城東南九百六十餘里源出納秦窩集北流入

混同江

塞珠倫河

滿洲語塞珠倫滑葉菜也在吉林城東南九百九十五里源出納秦窩集

北流入混同江

溫德亨河

在吉林城西南五里源出庫勒訥窩集東北入混同江

齊努混河

滿洲語齊努混銀硃也在吉林城西南五十里源出庫勒訥窩集東入溫

德亨河

雅吉善河

在吉林城西南五百三十里源出納嚕窩集合圖們三屯即為輝發河

蘇克素護河

在吉林城西南五百七十五里源出邊外納嚕窩集西南流入邊門

距奉天府一百七十里入渾河

噶桑阿河

在吉林城西南六百餘里源出納嚕窩集入英峩邊會納嚕河即為渾河

納嚕河

在吉林城西南六百餘里源出納嚕窩集入英峩邊即渾河之上流也

馬佳河 在吉林城西南六百九十里源出納嚕窩集

尼瑪蘭河 在吉林城西南六百九十里源出納嚕窩集

哈當阿河 在吉林城西南六百九十里源出納嚕窩集

通錫庫河 在吉林城西南六百九十里源出納嚕窩集

章京河 在吉林城西南七百三十五里源出納嚕窩集

錫勒們河 在滿洲語錫勒們也 在吉林城西南八百九十餘里源出納嚕窩集

三音額音河

溫水河 在吉林城西南九百里即哈勒琿穆克源出納嚕窩集

哲松額河 在吉林城西南九百里即哈勒琿穆克源出納嚕窩集

伊罕河 在吉林城東北二十五里源出納嚕窩集

錫蘭河 在吉林城東北九十五里源出錫蘭窩集

和倫河 在吉林城東北二百三十里源出和倫窩集

珊延河 在甯古塔城東北四里源出珊延畢爾罕窩集

花蘭河 在甯古塔城東北五里源出花蘭窩集

尼滿河 在甯古塔城東北一千三百五十里源出尼滿窩集

阿庫密河 在甯古塔城東北一千三百里源出阿庫密窩集

畢歆河 在甯古塔城東北一千五百餘里源出畢歆窩集

和羅河 在甯古塔城東北一千五百餘里源出和羅窩集

鄂倫河 滿洲語鄂倫肘帶也在甯古塔城東二千五百八里源出薩哈連窩集東流入海

僧庫勒河 在甯古塔城東二千一百十四里源出僧庫勒窩集東流入海

畢楞河 在甯古塔城東二千三百六十里源出畢楞窩集東流入海

克埒穆河 在甯古塔城東二千三百六十九里源出克埒穆窩集東流入海

托穆津河 在甯古塔城東二千八百五十九里源出畢楞窩集東南流入海

愛呀河 滿洲語愛呀母貂鼠也在甯古塔城西一百三十里源出畢爾罕窩集南會畢

爾罕河

畢爾罕河 在甯古塔城西一百四十里源出畢爾罕窩集東南流會為一匯於畢爾

騰湖其東支流曰額伊呼河

珠克騰河 在甯古塔城西一百六十里源出畢爾罕窩集南流入畢爾騰湖

阿拉河 在甯古塔城西一百七十里源出畢爾罕窩集南流會珠克騰河

塔拉河 在甯古塔城西一百八十里源出畢爾罕窩集南流會阿拉河

都林谷河 在甯古塔城西二百三十里源出塞齊窩集南流會勒富善河入畢爾騰湖

佛多和河 在甯古塔城西二百三十里源出塞齊窩集南流會都林谷河又有一在

佛多和城北

索爾和綽河 在甯古塔城南十里源出索爾和綽窩集北流入瑚爾哈河

噶哈哩河 在甯古塔城南一百五十里源有二一出瑪勒呼哩窩集一出尼葉赫窩

集南流會布爾哈圖河入圖們江

海蘭河 在甯古塔城南四十里無名山東流入布爾

哈圖河 元志和囉噶有和蘭河流入海即此

東流二一在城西北四十里源出海蘭窩集

瑪展河 在甯古塔城北五十里源出西北瑪展

二一在城東南五百四十里源出

舍赫河 在甯古塔城北五十里源出舍赫

鄂克托河 滿洲語鄂克托藥也在甯古塔城北

南流會海蘭河入瑚爾哈河

扎穆圖河 在甯古塔城北五十里源出扎穆圖

富達密河 在甯古塔城北一百二十里源出

薩爾布河 在甯古塔城北一百五十里源出

舒蘭河 在甯古塔城北二百五十里源出

阿木蘭河 在甯古塔城北三百里源出阿

安巴河 在甯古塔城北三百五十里源出

阿斯罕河 在甯古塔城北四百里源出阿斯

綏芬河 在甯古塔城東南四百四十

哈濟密河 在甯古塔城東南五百

伊濟密河 滿洲語伊濟密梳頭也又紡線也在甯古塔城東南五百三十里源出錫

伯窩集

們河 在甯古塔城東南五百里源出城東南

呼蘭河 在甯古塔城東南五百里源出興凱湖

蘇扎哈河 在甯古塔城東南五百餘里源出城

凱湖

呼雅河 滿洲語呼雅海螺也又麋也在甯古塔

窩集中東北流

額伊呼河 在甯古塔城東南一千四百里源出

額圖密河 在甯古塔城東南一千四百里源出

蘇哩江

勒富勒河 在甯古塔城東南二千三百十八

烏爾欽河 在甯古塔城東南二千六百二十八

瑪爾呼哩河 在甯古塔城西南五十里與阿布

會瑚爾哈河

阿布河 在甯古塔城西南六十五里源出瑪

松吉河 在甯古塔城西南一百里源出

札津河 滿洲語札津長梁也在甯古塔城西南

畢爾騰湖

呼錫哈哩河 在甯古塔城東北二十五里源出

尼葉赫河 在甯古塔城東北六十里源出

特林河 在甯古塔城東北七十里源出

翁錦河 滿洲語翁錦凡物安柄之孔也在甯古塔城東北六百里源出阿勒哈窩集北

流入混同江

巴蘭河 在甯古塔城東北六百餘里源出巴蘭窩集

屯河 在甯古塔城東北七百里源出屯窩集東南流會十餘水入混同江

温登河 在甯古塔城東北九百餘里源出温登窩集南流入混同江

都爾河 在甯古塔城東北一千一百餘里源出都爾窩集南流入混同江

庫魯河 在甯古塔城東北一千五百八十九里源出庫魯窩集東南流入混同江

敦敦河 在甯古塔城東北一千九百五十七里源出明噶哩窩集西北流入混同江

畢呼哩河 在甯古塔城東北二千三百二十里源出莊窩集西北流入混同江

查克蒐爾河 在甯古塔城東北二千五百八十八里源出莊窩集西北流入混同江

瑪延河 在阿勒楚喀城東北二百餘里源出瑪展窩集北流入混同江

鄂摩和湖 在甯古塔城西北一百四十里源出畢爾騰湖

附良維弱水考

臣秋濤謹案後漢書云夫餘國北有弱水晉書

云挹婁國東濱大海北極弱水唐書云貞觀三年以奚國阿會部為弱水州是良維之地古有弱水而今吉林黑龍江諸境志乘皆無此名胡渭禹貢錐指釋禹貢弱水云弱水下流不知所歸據後漢書云云則似弱水自居延澤東北流歷夫餘挹婁之北境而歸於東海其所行之遠當亦不下黑水也臣秋濤謹案禹貢弱水發源在今甘州府南所入之流沙即居延澤在今額濟納舊土爾扈特旗北居延澤在沙磧中水至

此已涇而不流東距夫餘挹婁不啻萬里風馬牛遠不相及胡渭素精地理之學其為此言者蓋因黃河初源有伏流沙磧潛源重發於星宿海之說疑良維之弱水亦即居延之弱水隱而復見耳考之載籍皆無所徵不足信也且水有同名而異地者辨方正位難以強合兩弱水水名偶同固不得移東以就西矣或曰按滿洲源流考未詳夫餘挹婁弱水所在然則良維弱水究係何水臣秋濤謹案近人紀述詳考之知古

所謂弱水卽今所謂哈湯也甯古塔紀略云甯古塔去京四千餘里冬則冰雪載道其深丈餘其寒令人不能受夏則有哈湯之險數百里俱是泥淖其深不測邊人呼水在草中如淖者曰紅鏽水人依草墩而行略一轉側人馬俱陷所以無商賈往來往來者惟滿洲人而已音信難得歲僅一至真所云家書抵萬金也後來哈湯之上俱鋪樹木年年修理往來者始多哈湯亦作哈呷黑龍江外紀曰相傳齊齊哈爾東北

山中亦產人蔘以路隔紅眼哈呷人不敢過紅眼哈呷淤泥地也人行輒陷萬無生理野鳥亦不敢落昔年有盜採者紅眼哈呷旣凍去將化還率以俄倫春爲前導否則路徑易迷虎狼害尤不測按此哈湯之源皆出於窩集蓋吉林黑龍江二省之境東抵大海北至俄羅斯一帶皆叢林密樹鱗次櫛比號爲樹海廣袤幾五六千里東方屬甲乙木故有此大林也林中人迹不至陽景罕曜落葉常積數尺許雨水泉水皆不

能流盡爲泥滓入者必陷疑於不能載物故古稱弱水非別有一水謂之弱水也窩集亦作烏稽甯古塔紀略亦作烏雞林古稱吉林地曰雞林其取義亦因窩集也我

朝東北境接壤俄羅斯自雅克薩城以東未設卡倫當以弱水爲天然重險謹詳考其說如此若金史載有陷泉屬臨潢府則僅一泉之微不足當弱水之目且地距夫餘挹婁尙遠必非一地諸書或指爲良維弱水故附辨之

朔方備乘卷二十一

知縣吳壽坤初校
舉人胡景桂覆校

朔方備乘卷第二十二

考十六

庫葉附近諸島考敘

臣秋濤謹案海中有山謂之島釋名云島者到也言航海之人望島如歸故以名焉禹貢於冀州紀島夷皮服於揚州紀島夷卉服說者謂卉服卽蕉葛木棉之屬皮服卽貂鼯狐獺之屬今按東南之人以卉爲服島國皆然東北之人以皮爲服亦島國皆然而禹貢云云者

所以見揚州東南之島冀州東北之島皆唐虞
聲教所訖也我

聖朝

德化之盛遠媿勲華東北諸島胥歸疆索謹稽東三
省屬地黑龍江境不濱海

盛京濱海有島嶼然在腹地無關邊防惟東北大
海自混同江口迤而西南抵圖們江口之東北
約五千餘里均歸吉林省轄諸島屬中國者咸
隸焉而俄羅斯國東北境甘查甲部斜折入海

其南島嶼甚眾皆屬俄羅斯言地理者以東北
之海爲大拉該海而中國與俄羅斯各有所屬
之島若中分此海者則庫葉附近諸島亦論北
徼事者所不可不考也謹哀中西圖籍詳著於
篇

庫葉島方域水道

臣秋濤謹案諸島無
大於庫葉島者故先

敘之一名黑龍嶼見魏源
海國圖志亦作庫頁島

大清一統志曰吉林甯古塔所屬大洲

臣秋濤謹
案卽庫葉

島在城東北三千餘里混同江口之東大海

中南北二千餘里東西數百里距西岸近處

僅百里許有山曰圖可蘇庫其長竟洲林木

深翳有小水數十東西分流入海臣秋濤謹案圖可蘇

庫盛京通志作圖克蘇護

大清會典圖說曰三姓城所屬海以外當混同江

口之東有大洲臣秋濤謹案即庫葉島也亘千里洲之上

西有博和畢河汪艾河低巴努河温忒呼河

楚克津河楚拉河特肯河伊對河俱西流東

有額里野河皮倫圖河薩伊河達喜河郭多

和河塔塔瑪河努烈河啟社什河阿當吉河

俱東流皆入於海臣秋濤謹案各水源流俱詳見水道提綱

水道提綱曰大長島臣秋濤謹案即庫葉島也為黑龍江

口臣秋濤謹案當作混同江口海中大護沙南北袤長一

千六百餘里南自極高四十九度八分至極高五十四度四分東西

最闊三四百里或一二百里西近黑龍南小圓島為東二十

六度半至東北斜處為東三十度四分

地形夭矯如游魚中脊

有山連峯自北至南松林相望蜿蜒不絕水

分流東西入海近海平地有居人數處其山

有名者曰英額申山

臣秋濤謹案一作音格繩山

正居島

申其水西流入海者有八

臣秋濤謹案即白恬必河等八水也

東流入海者有九

臣秋濤謹案即郭多活河等九水也

又曰白恬必河

臣秋濤謹案一作博和畢河

源出英額申

南麓西南流有一水自東來會又西南曲曲

入海長三百里此河之南為汪艾河口又東

南為低巴怒河口

臣秋濤謹案一作低巴弩河

又東南為

温忒呼河口南岸即拉喀噶山也

臣秋濤謹案一作拉

哈噶珊噶珊或作噶尚譯言村落也

以上皆西南流者又東南

為出可金河口

臣秋濤謹案一作楚克津河此河源隔山即弩烈河源也

又東南為出拉河口

臣秋濤謹案一作楚拉河

又南為特

懇河口

臣秋濤謹案一作特肯河

南岸有噶山

臣秋濤謹案即特肯

噶珊也

以上皆西流者又東南為衣堆噶珊河

口

臣秋濤謹案一作伊對河南岸有伊對噶珊

西南流者又東南

二百里為蒲壘噶山

臣秋濤謹案一作普隆噶珊蓋鄂倫春人等

所又東南曲曲而南為島之南盡處自白恬

居必河口而北而東北九百餘里無水也島西

近黑龍江口兩岸惟白恬必河口亦正為島

地之中其北其南則與兩岸遠數百里矣

又曰自白恬必河源而東隔山為郭多活河

臣秋濤謹案一作郭多和河兩源合東流入海其東北二

百餘里為奴列河口臣秋濤謹案一作弩烈

郭多和河西南長三百餘里臣秋濤謹案十

非東北也此誤又北為達喜河口臣秋

非弩烈河也此誤又北為薩伊河濤謹

案一作達善河善與喜字形又北為薩伊河

相類而音不同疑必有一誤又北為薩伊河

口蘇圖山東南麓兩源合東流入海北岸

有噶山臣秋濤謹案又北稍西二百餘里為

即薩伊噶珊

披倫兔河口臣秋濤謹案一作皮倫圖河北岸有噶山臣

濤謹案即皮倫圖噶珊又北百數十里為厄里耶河臣

濤謹案一作額里雅東北流入海之口北岸

有噶山臣秋濤謹案即額里野噶珊莊廷勇

乃一部落名額里野則一噶自此而北百里

為島北盡處也自郭多活河口而南而西南

二百里為他他馬河口臣秋濤謹案一作塔

山與音格繩山對峙塔塔瑪河東南流出塔塔瑪

來一水又東南流入海李兆洛圖此水在郭

多和河之西南弩烈河之東又東南二百餘

北與水道提綱異未詳孰是

里為啟社什河口

臣秋濤謹案此水出阿當吉山北麓東流入海

東南三百里為阿當衣河口

臣秋濤謹案一作阿當吉河出

阿當吉山東麓兩源合東流入海

自此曲曲而南而東而西

南至盡處無水

庫葉島內各山

圖克蘇圖山

臣秋濤謹案一作圖可蘇庫山一作圖克蘇護山在島之西北

額里雅河出其東麓其南麓為費雅喀人所居

音格繩山

臣秋濤謹案一作英額申山在圖克蘇圖山西南博和畢水出其南

麓

塔塔瑪山

臣秋濤謹案一作他他馬山在音格繩山東塔塔瑪河出其東麓其

西麓即庫葉人等所居

阿當吉山

臣秋濤謹案一作阿當衣山在島之中稍南阿當吉河出其東麓啟

社什河出其北麓特肯河出其西麓伊對河出其西南麓山南即鄂倫春人等所居

庫葉島沿革

或曰唐書流鬼國去京師萬五千里其地直

黑水靺鞨東北少海之北

臣秋濤謹案黑水靺鞨即今黑龍江

地三面皆阻海人依嶼散居有魚鹽之利通

典曰流鬼在北海之北疑即今庫葉島也

臣

秋濤謹案唐書明言流鬼國三面阻海則一面通陸可知庫葉島在海中四面阻海與流鬼不得爲一地考庫葉島東北隔海爲俄羅斯國之甘查甲部亦曰堪察加亦曰岡札德加其地東南西三面皆阻海惟北地與疴哥德部相連其爲古流鬼部無疑甘查甲西面之海卽黑龍江省東北之海亦係渤海非大海也故唐書謂之少海又云在黑水靺鞨東北也或曰流鬼部旣非庫葉島則庫葉島在

古當爲何國夤絃圖考以庫葉島卽古女國亦名毛人國考其說信歟臣秋濤謹案後漢書北沃沮海中有女國唐書日本東北限大山外卽毛人今庫葉島在海中恰與混同江口東西相直正與所謂北沃沮海中合北沃沮今寧古塔東北之地沃沮猶今言窩集又作渥集皆同音異字實一地也庫葉島南隔一海峽卽日本國明開原志云苦兀在奴兒干海東人身多毛其鄰吉里迷男少女多知

女國毛人皆在此島矣三才圖會有奚部小如者部其國無男小如者本室韋部名當與庫葉島相近梁四公記有扶桑國此記多荒誕之言然所紀外藩風俗物產尙有不盡誣者所謂扶桑國卽今甯古塔極東北之地其官名與高麗同其俗使鹿尤爲切證特扶桑之名出於附會耳記云扶桑國東千餘里有女國身有毛則知女國毛人蓋本一地傳聞失實以爲無男耳唐書記流鬼南鄰莫曳部

明稱苦兀今稱庫葉皆莫曳音轉吉里迷元史又作帖烈滅故此島今又名額里野又作野所也合而論之則庫葉之沿革思過半已
庫葉島地形物產

地理全志曰庫頁島在吉林之東長二千里廣數百里總計八十萬里南北峯巒聳翠林木紛繁中央平原坦闊間有藪澤沿海之處下陷砂磧水漫氣候嚴寒霧露迷離五穀不登少有黍稷以漁營生貿易止通吉林間通

日本人身短小言語文詞自成一律

庫葉島海峽

地理全志曰有庫頁海峽在庫頁島吉林之間有北路西峽在日本庫頁島之間

庫葉島貢獻

魏源曰有不編佐領之使鹿部曰奇勒爾曰費雅喀與海中之庫頁島皆更在鄂倫春之外臣秋濤謹案庫葉島中亦有鄂倫春人每居之此指附近甯古塔之鄂倫春也每歲不能以時至甯古塔則以六月期集於三

千里外之普祿鄉而章京舟行如期往受之斯則不惟非滿洲亦非索倫等部幾同土番羈縻矣會典雖不隸於理藩院然赫哲費雅喀來京娶婦則禮部光祿寺供筵宴

盛京工部供薪藁略如蒙古儀其以非滿洲客之歟抑八旗而外材武不可勝用不以遠滿洲擯之歟要之使犬諸部在混同江以南其海近朝鮮使鹿諸部在混同江以北其海近俄羅斯故朝鮮亦有獒站而俄羅斯亦有鹿

車

混同江口海中各島

東海島 在吉林城東北 四千四百十里

沃新楚魯峯島 在吉林城東 北四千里

圖勒庫島 在吉林城東 北四千里

雅普格哩島 在吉林城東 北四千里

海內天然八島 在吉林城東北四千里臣秋濤謹案與圖內或作天然巴

島巴字 誤也

臣秋濤謹案以上諸島皆當混同江入海處

在庫葉島之西在吉林城東各四千餘里島

中居民皆以魚皮為服東省亦謂之魚皮韃

子云

水道提綱曰七嘉可山即大興安山包黑龍

江之北綿亘數千里不斷至此而東蟠為郎

噶達敖佛洛山及面噶達敖佛洛山為黑龍

入大海口之北岸兩山之東隔海數十里有

長島形如偃月 長百數十里闊五十里南北俱尖 島南又隔

海數十里有小圓島曰角即哈達 圓徑二十餘里西望

面噶達七十餘里西南望杜郎噶達百數十
 里二島在東二十七度長島極高五十三度
 六分至八分圓島極其南岸自啟不林敖佛
 高五十三度四分強其南岸自啟不林敖佛
 洛及瓦巾朱魯哈達而南為卓活林敖佛洛
 前後有小河口五隔海有小島十一又東有
 天阿河口五河一在瓦巾朱魯哈達之南河
 口闊四十餘里有小島又南為你
 滿山其西南即你滿河口又南有一河口又
 南有察滿河口又東南百里至索母寧噶山
 有客勒母忒河口口之北有兔而庫及牙不
 哥里二島隔水相望又北即海內八島也自
 索母寧隔海北望八島相去百餘里自八島
 隔海北望杜郎噶達相去二百餘里矣南自
 極高五十二度三分北則極高五十三度二
 分強矣又東南百里為天阿河口河出厄非

金山之北支峯厄非金山亦海岸大山自南
 而北綿亘千餘里者也自河口而東北數十
 里為空什鋪為空什鋪弩敖佛洛及青噶里
 敖佛洛二大山亦三面懸海與北岸面噶達
 四百里相望為外大海門其東隔海二十里
 亦有小圓島曰厄里必哈達與北小圓島又
 相望也南小圓島東二十六度一
 分極高五十二度三分自小圓島
 隔海東百數十里為東大長島之白恬必河
 口

庫葉以西海中各小島

珊延島 在吉林城東南一千一百四十餘里

小多壁島 國語多壁狐也在吉林城東南一千二百五十里

西斯赫島 國語西斯赫禱也在吉林城東南一千二百六十里

阿薩爾烏島 在吉林城東南一千二百七十里

大多壁島 在吉林城東南一千二百七十里

妞妞斐顏島 國語妞妞呼愛小兒之詞斐顏色也在吉林城東南一千三百里

扎克塘吉島 在吉林城東南一千三百里

法薩爾吉島 在吉林城東南一千三百里

岳杭噶島 國語岳杭噶猶言有絲棉者在吉林城東南一千三百十里

鄂爾博綽島 在吉林城東南一千三百二十里

特依楚島 在吉林城東南一千三百二十里

翁郭勒綽島 在吉林城東南一千三百三十里

和爾多島 在吉林城東南一千三百三十里

菟楞吉島 在吉林城東南一千三百三十里

勒富島 在吉林城東南一千一百里

雅哈島 國語雅哈無燄火也在吉林城東北一千九百里

摩琳烏珠島 在吉林城東北一千一百里

日鹿島 在吉林城西
北未詳里至

甯古塔所屬海中各島

舒圖島 在甯古塔城東南
五百九十三里

勒富島 在甯古塔城東南
八百八十四里

附錄俄羅斯國所屬各島 臣秋濤謹案此諸島
皆在庫葉島之東北

故附載
以備考

古利羣島 一作古里利在庫葉島正東迤北

各島接甘查甲部迤南各島接日本國屬島

界地理備考曰古里利亞斯共二十五島地

理全志曰古里利二十五島亦多火山為日

本俄羅斯互市之地地產狐狸貂鼠兔獺之

類珍寶繁衍五金之鑛甚多

亞律羣島 一作阿律在庫葉島東北迤西南

各島接甘查甲部之東界迤東北各島接亞

墨利加洲之監札加 亦俄羅斯
斯屬部 南界

以上各島均產皮貨俄羅斯海船往來收皮

鬻於中國

朔方備乘卷二十二

知縣吳壽坤初校
知縣丁紹基覆校

朔方備乘卷第二十三

考十七

北徼山脈考

臣秋濤謹案禹貢著導山之友說者或分三條
 或分四列山脈之辨莫先於此然馬融王肅以
 導岍為北條鄭康成以導岍為陰列大抵西起
 岍岐而不及河隴以外東迄碣石而不及松漠
 以北蓋僅據禹貢九州言之耳一行兩戒之說
 較為詳明然其言曰北戒自三危積石負終南

地絡之陰東及泰華逾河並雷首底柱王屋太行北抵常山之右乃東循塞垣至濊貊朝鮮是爲北紀是亦僅就貞觀時北方疆域言之其實崑崙大幹北包瀚海之外凡大幹所經之山山南水皆南流山北水皆北流如一行所舉三危積石東抵朝鮮諸山皆不爲南北大分水之脊則其所述北戒僅可謂之中幹耳前代渡漠之軍所至如狼居胥山寘顏山浚稽山涿邪山燕然山皆北幹山名距代郡定襄朔方二三千

後世讀史者皆莫知其所在

本朝德化翔洽朔漠盡入版圖於是近儒著述始詳北幹以爲發前人未發之祕也然大地之北寥廓無垠必極諸北極之下北海之濱而後北幹之支條脈絡始可詳辨此北徼俄羅斯之山脈誠不可略而弗論者也爰蒐采圖籍排比先後以中國與俄羅斯分界諸山列於前俄羅斯境內諸山次之至阿爾泰諸山乃中國名嶠而支幹所分實爲俄羅斯國眾山之祖並蒐采諸

說附綴於末云

中國與俄羅斯交界處諸山

外興安嶺

臣秋濤謹案興安嶺亦曰新安嶺見龍沙有紀略

內外二嶺內興安嶺盤旋黑龍江省境內數

千里襟帶三江之左右三江者松花江由卜黑龍江嫩江也

魁至墨爾根艾琿置驛嶺上每歲巡邊官弁

渡嫩江而西北行數百里皆沿此嶺陟降取

道松柞數十圍高窮目力穿林而行午不見

日石色斑駁若畫圖中物有石洞洞中几榻

天然如琢不知所自來行者闢草得之藉以

少憩蓋是山為

陪京左翊故幽深靈異有如此者以山在內地

茲不具記若外興安嶺則為北徼分界之山

實吉林黑龍江二省外障所繫於邊防甚鉅

而諸家志乘言之甚略今故詳徵典實以備

掌故按一統志云大興安山在敖嫩河北小

肯特山東自此綿亘而東直抵黑龍江入海

處會典事例云山之南爲中國地山之北爲俄羅斯國地案

盛京通志云

盛京統部疆域北至黑龍江外興安嶺五千一百餘里俄羅斯界黑龍江將軍所轄疆域北至外興安嶺三千三百餘里俄羅斯界黑龍江城北至外興安嶺二千五百里俄羅斯界今按外興安嶺橫亘數千里爲北徼之大分水嶺其表延與新疆之天山相等然天山隨

地異名蓋以百數外興安嶺則別名甚少惟職方外紀有東金山之目或以爲卽外興安嶺別名然據地圖金山阿林自外興安嶺以北連峯不斷直抵東北海隅與諾斯哈達相連則知山脈長遠幾及萬里允爲東北鉅鎮矣

臣秋濤謹又案外興安嶺山脈自鄂嫩河源肯特山分支東北行連峯不斷達俄羅斯境皆曰外興安嶺又東北曰楊阿林楚庫河出

焉又東北烏的河出其北麓又東北伊坦珠河出其北麓此三水均西北流注色楞格河又東北分東西二支西支包白哈爾湖之東之北遶列訥河源沿其西至北海其東支東北行恩吉德河出其南麓南注黑龍江又東北尼布楚河出焉南流至尼布楚城注黑龍江又東北衛底穆河出焉西北流注於列訥河自此分爲二大支一東行抵海爲外興安嶺一東北抵俄羅斯之郭列穆斯科境爲金

阿林二大支之間廣袤各數千里盡窩集也東抵大拉該海南與中國相接外興安嶺一支折而東行安巴格爾必齊河出焉河以東屬中國河以西屬俄羅斯又東行卓羅克齊河綽魯納色勒烏魯穆河格爾必齊河鄂爾河鄂爾多昆河烏爾蘇河波羅穆達河皆出其南麓注黑龍江屬於中國其北麓窩集屬俄羅斯又折而東北行有額爾格河巴爾坦河皆出南麓屬中國其北麓窩集屬俄羅斯

又折而東行南麓有托克河精奇哩江諸水
屬中國北麓有拉瑪河東流注大拉該海屬
俄羅斯由是分爲南北二支其南支又分爲
二一折而南行千餘里爲達爾別薩阿林阿
爾吉河烏能河烏拉喀河皆出西麓欽都河
恩古里泊甯尼河楊奇尼河皆出南麓二麓
之水皆注黑龍江屬於中國一折而東南行
麓水南流者曰西里穆底河曰恒滾河曰噶
穆河皆屬中國麓水東流者曰達溫河曰鄂

和達河曰烏拉克河曰烏底雅河曰鄂斯都

爾納薩河曰阿老河諸水皆屬俄羅斯曰烏

底河自此以南至索倫河爲甌脫地康熙二十八年

分界盟約云烏地河以南興安嶺以北中間
所有地方河道暫行存放俟各還國察明後
或遣使或行文再行定議雍正五年定例云
烏特河等處地方暫置爲兩邊公中地方均
不得侵佔居住烏地河烏山脈又東南行索

倫河出北麓東注海是爲中國吉林省三姓

副都統所轄地又東南行沿噶穆河之北岸

又折而東行抵混同江海口其西麓南麓水

皆注噶穆河及混同江其東麓水曰阿拉河
瑪尼噶河吉特河其北麓水曰鄂古河圖胡
魯河皆注於海此皆外興安嶺之南支也其
北支東北行沿拉瑪河北岸而東有鄂拉河
納勒春河出東麓注大拉該海又折西北行
其東麓所出諸水爲達達哈河奔什納河山
脈遂與金阿林一支相合詳見俄羅斯境諸
山茲不具錄云

準齊爾山

臣秋濤謹案準齊爾山在額爾古訥河北其
南岸卽和倫河入額爾古訥河口也又案自
此山以東皆以額爾古訥河爲界直抵黑龍
江南岸其北岸則以安巴格爾必齊河爲界
故未列山名

都穆達爾都齊爾山

臣秋濤謹案都穆達爾都齊爾山在準齊爾
西其南有黃佳多輝山

黃佳多輝山

臣 秋濤謹案黃佳多輝山在都穆達爾都齊爾南其南即額爾古訥界河

謨果爾綽克阿林

臣 秋濤謹案謨果爾綽克阿林在都穆達爾

都齊爾西其南接中國阿巴垓圖阿林及額

爾德尼陀羅海克鄂博界

溫都爾山

臣 秋濤謹案溫都爾山在謨果爾綽克阿林

西南其南接中國蘇克特卡倫鄂博界

巴倫齊爾山

臣 秋濤謹案巴倫齊爾山在謨果爾綽克阿

林西

托羅海山

臣 秋濤謹案托羅海山在巴倫齊爾山南其

南接中國呼拉晉河界

呼拉晉河之南即鄂爾晉卡倫鄂博又

西有一山與中國塔奔托羅海克鄂博接界

波羅托羅海山

臣 秋濤謹案波羅托羅海山在托羅海山西

其南與中國察罕歐拉卡倫鄂博接界

沙拉托羅海山

臣秋濤謹案沙拉托羅海山在波羅托羅海

山西其南與中國達爾巴噶達胡克鄂博接

界

塔拉第一山

臣秋濤謹案塔拉第一山在沙拉托羅海山

西其南與中國科博爾集庫卡倫鄂博接界

即枯布勒庫卡倫屬車臣汗

塔拉第二山

臣秋濤謹案塔拉第二山在塔拉第一山西

其南與中國昂阿爾海克鄂博接界

塔拉第三山

臣秋濤謹案塔拉第三山在塔拉第二山西

其南與中國孟克托羅海卡倫鄂博接界

格集格托羅海山

臣秋濤謹案格集格托羅海山在塔拉第三

山西其南與中國額英克托羅海克鄂博接

界

穆魯都伯山

臣秋濤謹案穆魯都伯山在格集格托羅海

山西其南與中國溫都爾山接界

達布遜淖爾北山

臣秋濤謹案達布遜淖爾北山在穆魯都伯

山西其南與中國澤倫圖卡倫鄂博接界

塔里淖爾南山

臣秋濤謹案塔里淖爾南山在達布遜淖爾

北山西其南與中國齊布圖克鄂博接界

穆魯都伯山

臣秋濤謹案穆魯都伯山與溫都爾接界山同名在塔

里淖爾南山其南與中國茂格集格卡倫

鄂博接界

古布德溫都爾托羅海山

臣秋濤謹案古布德溫都爾托羅海山在穆

魯都伯山西其南與中國尼布寫克鄂博接

界

錫里山

臣秋濤謹案錫里山在古布德温都爾托羅海山西其南與中國鄂博圖卡倫鄂博接界

哈拉托羅海山

臣秋濤謹案哈拉托羅海山在錫里山西其南與中國額倫克鄂博接界

庫克托羅海山

臣秋濤謹案庫克托羅海山在哈拉托羅海山西其南與中國烏林圖卡倫鄂博接界

察罕淖爾南山

臣秋濤謹案察罕淖爾南山在庫克托羅海山西其南與中國伊瑪爾和克鄂博接界

岳隆沃阿林

臣秋濤謹案岳隆沃阿林在察罕淖爾南山西其南與中國多魯爾漢卡倫鄂博接界

圖爾齊訥阿林穆魯

臣秋濤謹案圖爾齊訥阿林穆魯在岳隆沃阿林西其南與中國準圖爾齊訥克鄂博接

界

伯爾克溪北哈拉托羅海山

臣秋濤謹案伯爾克溪北哈拉托羅海山在

圖爾齊訥阿林穆魯西有伯爾克必爾漢流

逕其南必爾漢譯言溪也其山南與中國圖

爾齊訥卡倫鄂博接界

托克托爾穆魯

臣秋濤謹案托克托爾穆魯在哈拉托羅海

山西其南與中國胡額錫赫克鄂博接界

沙拉托羅海山

臣秋濤謹案沙拉托羅海山在托克托爾穆

魯西其南與中國托克托爾卡倫鄂博接界

沙拉托羅海西山

臣秋濤謹案沙拉托羅海西山在沙拉托羅

海山西其南與中國和林布里都山接界

華錫里山

臣秋濤謹案華錫里山在沙拉托羅海西山

西其南與中國和林訥拉蘇卡倫鄂博接界

華錫里西山

臣秋濤謹案華錫里西山在華錫里山西其

南與中國珠齊達巴漢克鄂博接界

托索克阿林穆

臣秋濤謹案托索克阿林穆在華錫里西山

西南其南與中國珠齊河源接界

伊克圖爾根伯爾齊山

臣秋濤謹案伊克圖爾根伯爾齊山在托索

克阿林穆西其南與中國托索克圖卡倫鄂

博接界

穆魯都伯達漢得里山

臣秋濤謹案穆魯都伯達漢得里山在伊克

圖爾根伯爾齊山西其南與中國庫爾克伊

鄂博接界

伯爾克伊克西里山

臣秋濤謹案伯爾克伊克西里山在穆魯都

伯達漢得里山西其南與中國莽克忒努克

卡倫鄂博接界

鄂嫩河南哈拉托羅海山

臣秋濤謹案鄂嫩河南哈拉托羅海山在伯

爾克伊克西里山西其南與中國胡爾察克

鄂博接界鄂博之南即巴彥東山也

和集里淖爾北山

臣秋濤謹案和集里淖爾北山在鄂嫩河南

哈拉托羅海山西其南與中國伯爾克卡倫

鄂博接界

科碩齊老山

臣秋濤謹案科碩齊老山在和集里淖爾北

山西其南與中國必投肯克鄂博接界

臣秋濤謹案必投肯克鄂博在鄂嫩河北自此以西沿鄂嫩河皆屬中國界矣

特倫河西山

臣秋濤謹案特倫河西山在科碩齊老山西

其南與中國烏爾胡特卡倫鄂博接界

阿達爾哈東山

臣秋濤謹案阿達爾哈東山在特倫河西山

西其南與中國斡阿魯克伊鄂博接界

阿達爾哈阿林

臣秋濤謹案阿達爾哈阿林在阿達爾哈東
山西北其南與中國塔本托羅海卡倫鄂博
接界

郭卓爾台必爾漢北山

臣秋濤謹案郭卓爾台必爾漢北山在阿達
爾哈阿林西南其南與中國尼爾齊魯克鄂
博接界

和爾瑪齊伯爾齊爾山

臣秋濤謹案和爾瑪齊伯爾齊爾山在郭卓
爾台必爾漢北山西其南與中國集爾伯圖
河源接界

巴顏珠爾克阿林

臣秋濤謹案巴顏珠爾克阿林在和爾瑪齊
伯爾齊爾山西其南與中國阿爾塔哈納克
鄂博接界

伊克哈柳穆魯

臣秋濤謹案伊克哈柳穆魯在巴顏珠爾克

阿林西其南與中國集爾伯勒卡倫鄂博接界

德爾集穆魯

臣秋濤謹案德爾集穆魯在伊克哈柳穆魯西其南與中國布庫庫謨克鄂博接界

噶勒達台博勒齊爾山

臣秋濤謹案噶勒達台博勒齊爾山在德爾集穆魯西其南與中國噶勒達台克鄂博接界

噶勒達台河源西山

臣秋濤謹案噶勒達台河源西山在噶勒達台博勒齊爾山西其南與中國庫謨里卡倫鄂博接界

坤都倫伯勒齊爾山

臣秋濤謹案坤都倫伯勒齊爾山在噶勒達台河源西山其南與中國巴圖哈達克鄂博接界

孟克西里山

臣秋濤謹案孟克西里山在坤都倫伯勒齊

爾山西南其南與中國哈蘇拉科卡倫鄂博

接界

鄂博爾哈蘇拉科河西山

臣秋濤謹案鄂博爾哈蘇拉科河西山在孟

克西里山西南其南與中國哈里雅古台克

鄂博接界

阿欣阿河源東山

臣秋濤謹案阿欣阿河源東山在鄂博爾哈

蘇拉科河西山西其南與中國阿欣阿卡倫

鄂博接界

興安山

臣秋濤謹案興安山在阿欣阿河源東山西

其南與中國公吉爾特鄂博接界

庫木里穆魯

臣秋濤謹案庫木里穆魯俄羅斯設鄂博於

此在興安山西南其南與中國庫野卡倫鄂

博接界

庫布倫台阿林

臣秋濤謹案庫布倫台阿林在楚庫河北其南隔楚庫河與中國鄂羅勒伊克鄂博接界

伊拜商附近山

臣秋濤謹案伊拜商附近山在楚庫河北其南隔楚庫河與中國阿魯哈當蘇卡倫鄂博接界

伊拜商西山

臣秋濤謹案伊拜商西山在楚庫河北其南

隔楚庫河與中國阿魯齊都勒卡倫鄂博接界

達布蘇圖淖爾南山

臣秋濤謹案達布蘇圖淖爾南山在鄂伯爾齊都勒拜商西南其南與中國齊克泰卡倫鄂博接界

沙爾巴噶努胡

臣秋濤謹案沙爾巴噶努胡在達布蘇圖淖爾南山西南其南與中國胡魯里科克接界

烏林圖阿林

臣秋濤謹案烏林圖阿林在齊蘭河之東其南隔齊蘭河與中國布爾古特阿林穆魯接界

齊雅圖河西山

臣秋濤謹案齊雅圖河西山在烏林圖阿林西南其南與中國布拉卡倫接界

鄂爾輝圖山

臣秋濤謹案鄂爾輝圖山見理藩院則例一作特們

胡珠倭爾輝圖山在齊雅圖河西山西山之陽為中國山之陰為俄羅斯界

都爾班山

臣秋濤謹案都爾班山俄羅斯設有卡倫在齊雅圖河西山西其南與中國恰克圖接界

貝勒蘇圖山

臣秋濤謹案貝勒蘇圖山見理藩院則例在恰克圖西北山之陽為中國山之陰為俄羅斯界

庫克齊老圖山

臣秋濤謹案庫克齊老圖山

見理藩院則例在澤德

河南山之陽為中國山之陰為俄羅斯界

黃果爾鄂博

臣秋濤謹案黃果爾鄂博

見理藩院則例一作紅郭

爾鄂博在庫克齊老圖山西南山之陽為中

國山之陰為俄羅斯界

庸科爾山

臣秋濤謹案庸科爾山

見理藩院則例一作永和爾

阿林在澤德河南其西南接庫克齊老圖山

山之陽為中國山之陰為俄羅斯界

博斯口棍管山

臣秋濤謹案博斯口棍管山

見理藩院則例在黃果

爾鄂博西北山之陽為中國山之陰為俄羅

斯界

呼他海圖山

臣秋濤謹案呼他海圖山

見理藩院則例一作胡塔

海圖阿林在博斯口棍管山西北澤德河西

岸山之陽為中國山之陰為俄羅斯界

科山梁

臣秋濤謹案科山梁見理藩院則例一作科謨魯謨魯

即穆魯譯言山梁也在呼他海圖山西南山之陽為中

國山之陰為俄羅斯界

巴彥胡蘇山

臣秋濤謹案巴彥胡蘇山俄羅斯設有卡倫

在都爾班山西北澤德河北岸其南與中國

哈拉呼集爾卡倫接界

布呼圖嶺

臣秋濤謹案布呼圖嶺見理藩院則例一作布胡圖

達巴漢在巴彥胡蘇山西北山之陽為中國

山之陰為俄羅斯界

額古登昭山梁

臣秋濤謹案額古登昭山梁見理藩院則例一作額

古登昭德爾集烏占在科山梁之西北山之

陽為中國山之陰為俄羅斯界

多什圖嶺

臣秋濤謹案多什圖嶺見理藩院則例一作多錫圖

嶺在布呼圖嶺西哲德河出其北麓山之陽為中國山之陰為俄羅斯界

克色訥色圖嶺

臣秋濤謹案克色訥色圖嶺見理藩院則例在多什

圖嶺西北山之陽為中國山之陰為俄羅斯之通肯圖拉界

固爾弼嶺

臣秋濤謹案固爾弼嶺見理藩院則例亦作古爾必

達巴漢在克色訥色圖嶺西南山之陽為中

國山之陰為俄羅斯界

杭哈嶺

臣秋濤謹案杭哈嶺在克色訥色圖嶺西北

額爾口河出其東麓

穆遜阿林

臣秋濤謹案穆遜阿林在杭哈嶺西阿哈河

出其北麓其南與中國烏梁海二佐領接界

努克圖嶺

臣秋濤謹案努克圖嶺在穆遜阿林西蘇特

河出其北麓其南與中國烏梁海接界

額爾吉克塔爾噶克台哈之東嶺

臣秋濤謹案額爾吉克塔爾噶克台哈之東

嶺理藩院則例所云額爾吉克塔爾噶克台噶蓋卽此亦曰塔爾噶克

東嶺在努克圖嶺西北山之陽爲中國山之

陰爲俄羅斯界

托羅斯嶺

臣秋濤謹案托羅斯嶺見理藩院則例在塔爾噶克

東嶺西北山之陽爲中國山之陰爲俄羅斯

界

銀山

臣秋濤謹案謝濟世西北域記云喀爾喀之

北境與俄羅斯界有銀山

額爾吉克塔爾噶克台噶衣瓦爾吉烏占肯哲

瑪達嶺

臣秋濤謹案額爾吉克塔爾噶克台噶衣瓦

爾吉烏占肯哲瑪達嶺亦曰塔爾噶克山在

托羅斯嶺西其北爲俄羅斯界其南爲中國

所屬烏梁海界

臣秋濤謹又案理藩院則例有肯哲瑪達霍尼音嶺山之

陽為中國山之陰為俄羅斯界疑即此山異名

歐拉烏納瑚山

臣秋濤謹案歐拉烏納瑚山一作敖蘭烏納

瑚山在烏斯河南其東南為中國烏梁海界

其西北踰克穆河為俄羅斯烏邁圖拉界

克穆克穆齊克博穆山

臣秋濤謹案克穆克穆齊克博穆山理藩院則例作

克木克木齊在塔爾噶克山西北當噶哈爾

河入大克穆河處山北為俄羅斯烏邁圖拉

地山南為中國所屬烏梁海界

沙弼柰嶺

臣秋濤謹案沙弼柰嶺見理藩院則例一作沙必柰

嶺在克穆克穆齊克博穆山西南山之陽為

中國山之陰為俄羅斯界

汗阿林

臣秋濤謹案汗阿林亦曰鄂爾噶汗山在亨

吉泊之西其南為中國科布多所屬阿爾泰

諾爾烏梁海界

科托郭爾嶺

臣秋濤謹案科托郭爾嶺在汗阿林之西山脈與唐努山相接其東南為哈道里河屬中國界其西為俄羅斯之鏗格爾圖拉圖拉南亦屬中國界

布里柰阿林

臣秋濤謹案布里柰阿林在科托郭爾嶺西南其東為額爾齊斯河河旁即中國之和尼

邁拉虎卡倫乃俄羅斯與塔爾巴哈台交界處也

哈爾滿阿林

臣秋濤謹案哈爾滿阿林在布里柰阿林西其南接中國卡倫界

靄古斯阿林

臣秋濤謹案靄古斯阿林在哈爾滿阿林西其南接中國卡倫及哈薩克界

沙拉哈爾海

臣秋濤謹案沙拉哈爾海在俄羅斯納生噶
珊之西額爾斯齊河之東距中國界千里而
近康熙年間有哈喇哈爾榜國亦作哈喇哈
爾叭疑卽游牧此地之部落也

俄羅斯境內諸山

金阿林

臣秋濤謹案金阿林卽東金山也自中國肯
特山分支東北行連峯不斷達俄羅斯境皆
曰外興安嶺又東北曰楊阿林楚庫河出焉

又東北烏的河出其北麓又東北至伊坦珠
拜商東南伊坦珠河出其北麓三水皆西北
流注於色楞格河又東北分爲東西二支其
西支北行約數百里巴爾古錫穆河出西麓
西流注白哈爾湖郭拉河出東麓北流合衛
底穆河又北行折而西德爾集昂噶拉河出
南麓集林噶河出北麓又西抵白哈爾湖北
列訥色欽出其北麓是爲列訥河山北之水
咸匯焉注冰海又折而西北行千餘里東麓

之水曰必魯爾集河穆噶河古達河粗存河
郭瓦倭河錫費雅河諾雅河皆注列訥河西
麓之水曰噶們噶河倫多河伊爾尼河特德
拉河散巴特倭拉河巴爾倭登噶河伊里穆
河皆注昂噶拉河又北行分三支一支東抵
惹鞠斯科瓦拉喀河衛推河出北麓東注列
訥河一支沿衛推河北抵列訥河海口有必
雅錫達河及二水出北麓各入冰海一支由
窩集中西行南麓有羅斯瑪納噶河都里噶

河惹勒拉雅河皆注於伊里穆河北麓諸水
匯爲鄂斯羅惹錫湖北流爲必雅建達河合
必雅錫達河入海又折西行分東北西北二
支東北一支向東北行有郭斯里噶河出南
麓又北行抵於海東麓有噶道噶河諸水西
麓有律錫誥湖下游諸水各分流入海西北
一支繞律錫誥湖額塞湖之南又西北行有
多訥斯奇納河噶多噶河烏伯河圖替納河
頗替納河烏伯尼雅河謨斯圖伊噶河皆出

西麓入昂噶拉河其東麓千餘里皆窩集額
塞湖水北流爲達拉伊達河注冰海又西北
行至烏格里達海灣爲昂噶拉河入海之口
而自伊坦珠拜商所分之西支至此盡矣其
東支自伊坦珠境東北行恩吉德河出其南
麓注黑龍江又東北尼布楚河出焉南流至
尼布楚城注黑龍江又東北衛底穆河出焉
西北流注於列訥河自此分爲兩大支一東
行抵海爲外興安嶺一東北抵郭列穆斯科

境爲金阿林一大支之間自衛底穆河以東
廣袤各數千里盡窩集也東抵大拉該海南
與中國黑龍江吉林二省相接外興安嶺一
支已詳見前其金阿林一支又東北行都日
爾河希濃河佛倫河瑪雅河皆出西北麓注
列訥河自是又分爲左右兩支右支折西北
行直抵北海又分一支繞郭列穆瑪河西岸
北亦抵海其北有音底日爾噶河阿拉薩納
河伊斯鞠郭特斯都克河袞古瓦河皆出山

北麓而注冰海左支折而東郭列穆瑪河出
其北麓北流注於海又東行鄂謨倫河額勒
瑪噶雅河出北麓達達哈河出南麓又折而
北行始曰金阿林安巴鄂壘河阿集格鄂壘
河伯勒蘇格河諸水皆出西麓匯於郭列穆
瑪河其東麓則奔什納河南注大拉該海額
拉博爾河惹博羅訥雅河皆東注郭爾噶海
又分爲三支一支折而東北行阿納巴拉河
出焉又東北抵冰海爲諾斯哈達大山此亞

細亞洲之極東北隅也一支折而東南行數
千里斜入於海爲岡札德加諸山衛底阿河
登屯河巴倫河伊斯奔爾納河索羅烏達納
雅河郭斯米納河達魯噶河吉斯圖噶河巴
特沙底瑪納雅河勒佛那雅河烏哈魯薩瓦
河納努河克羅多和羅瓦河吉爾巴科瓦河
倭羅富斯噶瓦河諸水皆出其西南麓鄂爾
羅巴河滿河噶拉薩納河鄂納們河瑠都爾
噶河額瑪納拉河諸水皆出其東北麓各注

於海一支折東行抵於海曰郭爾噶諸山其
東北即墨領海峽亦曰白令峽踰峽即北亞
墨利加洲監札加境也阿納底爾河出其西
麓西流折而南又折而東南流注於滿河郭
爾噶諸山亦西行抵滿河北岸而止此山亦
曰阿爾台山總記云因底牙加河即音底曰
爾噶河
阿那斯加河即阿拉
薩納河珂里瑪河即郭列
穆瑪河阿那
底河即阿納
底爾河均發源阿爾台山僅阿那底河
一水趨東海餘俱北流而出冰海臣
秋濤謹

案諸水皆出東金山而總記謂出阿爾台山
蓋蒙古語謂金為阿勒坦與阿爾台音相近
皆以其山出金為名東金山與西金山均為
崑崙東北幹脈絡既通產金亦同故不嫌於
數千里之山同一名也

塔奔們都爾罕阿林

臣秋濤謹案塔奔們都爾罕阿林在俄羅斯
通肯圖拉西北其山由中國杭愛山分支東
北行千餘里至交界之多什圖嶺分為東中

西三支東支向東行南麓所出之水皆入哲
 德河折東北行抵白哈爾湖南岸而止中支
 向北行額爾口河出其東麓又北曰塔奔們
 都爾罕阿林又折而東北行達集雅河出其
 北麓又東北抵昂噶拉河之西而止西支折
 而西北行曰克色訥色圖嶺曰杭哈嶺曰穆
 遜山曰努克圖嶺曰額爾吉克塔爾噶克山
 曰托羅斯嶺皆為中國與俄羅斯交界處山
 南所出之水若華克穆河貝克穆河之屬皆

匯為大克穆河下游曰伊聶謝河山北所出
 之水曰古爾班孟訥斯河曰罕河曰噶們噶
 河皆注於昂噶拉河昂噶拉河與伊聶謝河
 合流於伊聶謝柏興之南山脈亦盡於是云
 魏源謂職方外紀以杭愛山為西金山臣秋
 濤謹案杭愛山正幹由喀爾喀東行合肯特
 山以北為東北羣山之源若塔奔們都爾雖
 有汗山之稱罕阿林即汗山然特杭愛之分支達俄
 羅斯境以後不過千數百里而止自不得兼

西金山之目矣

麻科佛斯科嶺

臣

秋濤謹案麻科佛斯科嶺蓋金山直北行

一大幹也自唐努山而北爲鄂爾噶汗山
東麓之水曰罕騰格里河流合大克穆河山
北麓之水曰察罕米哈河曰阿努河俱自中
國流至俄羅斯界合而東流注伊聶謝河山
西麓之水曰哈屯河曰阿爾泰河皆自中國
流至俄羅斯界合而西流注額爾齊斯河山

脈向東北行衛巴特河出東麓托穆河出西
麓又北行分二支一支西北行惹羅日噶河
必格納河烏集納河皆出北麓綽里穆河出
南麓又西北至格野斯科而止一支東北行
抵瑪古斯歸卽麻科斯科也其山曰麻科佛
斯科嶺自昂噶拉河舟行至伊聶謝柏興由
陸路過此嶺凡三日行至揭的河仍登舟沿
途水路直達托博爾城山不甚大俱林藪地
甚泥淖多蚊虻此使臣圖理琛所記也山脈

又北行東麓諸水曰科穆河傅爾底雅多瓦
河曰噶里克河曰德薩底納河曰色勒斯尼
河皆東注昂噶拉河西麓水曰揭的河亦作
達格河又折西北行連峯不斷北麓諸水曰
音多沙雅河曰達羅瓦雅河曰欣河曰惹老
烏河曰惹羅珊河並東北流注昂噶拉河南
麓諸水曰瑪傅斯噶河曰阿色爾河曰哈塞
野河曰鄂良河曰鄂爾羅什噶河曰赫里錫
阿河曰里錫薩河曰訥里謨瓦河皆西南流

注揭的河又折西行抵大窩集廣袤千里山
分東北西北二支其東北一支繞惹羅珊河
之西折而北行伊哈河出東麓注昂噶拉河
達斯河出西麓北注阿比灣海又折西北行
伊薩拉克河舍達河並出東麓注昂噶拉河
鄂索圖魯克河出西麓注阿比灣海又北行
抵烏格里達海灣之西阿比海灣之北凡三
面皆距海而東北一支山脈極矣其西北一
支又分爲二左支自窩集中西行抵布爾湖

東又折北行抵阿比海灣而止索博爾底納
河出東麓北入海右支自窩集中西行抵布
爾湖南謨斯薩河端河瓦噶河傅拉傅安河
博爾達掛河皆出南麓南流注鄂布河又西
北行至惹薩克吉城北濱海而止是爲額爾
齊斯河入海之口云此金山直北大幹之所
經也

汗阿林

臣秋濤謹案汗阿林在中國科布多西北乃

金山西北大幹隨額爾齊斯河東岸以北者
也唐書稱黠戛斯依貪漫山亦作貪汗山當
卽汗山之別名其山南起科布多境有烏梁
海部落居之蒙古王公表傳所稱汗烏梁海
卽以所居之山爲號也汗阿林層峯相接山
脈向西北行其東麓有亨吉泊其西麓有色
爾喀斯喀拉泊又西北有數水出東麓注鄂
布河其西麓有大泊曰惹謨斯夸湖湖水西
流入額爾齊斯河又西北繞惹謨斯夸湖之

北瓦欣阿河索爾瑪河博索挂河噶錫穆噶
 河皆出北麓東北流注鄂布河多拉河阿爾
 噶爾噶河皆出南麓南流注額爾齊斯河山
 勢折西南行博捫噶河惹穆尼郭傳河皆出
 西麓西北流注額爾齊斯河又西南至托博
 爾城俄羅斯東偏錫伯利部之總會也汗阿
 林西北山脈至此而極云

阿拉克山

臣秋濤謹案阿拉克山在中國塔爾巴哈台

之西北乃天山北幹隨額爾齊斯河西岸以
 北者也甘肅迪化州東北有博克達山乃天
 山最高之峯自此分支北行踰戈壁至色爾
 克山又北至宰桑泊西南又西北繞哈薩克
 游牧其東麓水皆注宰桑泊又西北為哈爾
 滿山靄古斯阿林始達俄羅斯界又西北曰
 阿拉克山察爾河出東麓東至森博羅特注
 額爾齊斯河庫庫烏蘇河出西南麓勒布錫
 河出西北麓皆西流注巴爾喀錫淖爾山勢

蜿蜒折而西行金集里克河出南麓渟于錫
拉淖爾漠斯格河布爾哈蘇台河伊爾底斯
河均出北麓注額爾齊斯河又西爲阿爾輝
山靄古斯河庫克薩里河巴哈納斯河皆出
南麓並入巴爾喀錫泊泊南乃沙磧也又西
爲阿滿哈爾海山又西爲錫德特額壘漠阿
林額錫爾河出西北麓注托博爾河又折而
西南層峯疊嶂分二支一支東南行爲瓮袞
阿林入大漠中而止當伊犁河所入之巴爾

喀什泊西北一支西南行至北哈薩克部之
北又折而西爲烏拉爾圖阿林卽烏拉嶺也
烏拉嶺

臣秋濤謹案烏拉嶺亦名烏拉爾圖阿林在
托博爾城西南約一千六百餘里北麓有湖
四皆東北流合爲伊澤特河注托博爾河南
麓有烏拉河亦曰哈拉河西南流合額勒克
河庫庫河察罕河諸水逕塔奇城鄂伊楚克
城南又西南流注裏海山勢西行分爲二支

一支西南行爲德爾特科爾阿林又西南至大漠中而止西距佛爾格河約二百里一支西北行至鄂博城蘇扎瓦雅河出東麓注托博爾河噶拉捫河出西麓注佛爾格河又折北行分二支一支西北至巨古爾城南薩瑪拉河出焉一支東北至烏特格城東竺薩瓦雅河出焉又折而西北至瓦爾郭都里雅城西即使臣圖理琛所記費耶爾和土爾斯科也其山曰佛洛克嶺卽烏拉二字譯音之殊

耳異域錄云費耶爾和土爾斯科佛洛克嶺在費耶爾和土爾斯科城之西北其間二百餘里山不甚大沿途皆林藪有馬尾松果松杉松楊樺櫻菓刺玫山巔嶺上隨處流泉地甚泥淖上嶺五里許下嶺十里餘自嶺東流出者謂之土拉河嶺西流出者謂之托波兒河俱向東南流過圖敏地方土拉河歸入托波兒河復向東北流至托波兒相對地方入厄爾齊斯河又自山陰流出者謂之喀穆河

其大似色楞格河水色赤溜急自東北向西
 南而流至喀山相對地方歸入佛兒格河其
 嶺之西北有山名曰帕付林斯科峙出諸山
 土人云冬夏積雪不消人不能至按烏拉嶺
 說者以為即元史太和嶺元人伐欽察時嘗
 鑿嶺以通道臣秋濤謹案土拉河亦即元史
 速不台所居之禿納河皆考之地形而確有
 可徵者也臣秋濤謹案元史太和嶺有二其一
 在大同土喇河亦有二其一在
 和林與此皆同名
 異地故附識之烏拉嶺又北行勒拉河出

東麓鄂索爾蓋河出西麓又北分為左右二
 支左支折而東過伊斯瑪城北魯克達河出
 北麓博羅河出南麓又東數百里皆窩集也
 博綽爾湖在窩集中湖水北流為博綽爾河
 由布斯堆湖入北海山勢又折而東北行袞
 達河索羅瓦河作爾納雅河皆出東麓注額
 爾齊斯河巴必努郭羅特城水出西麓注布
 斯堆湖又北分二支一支東北行抵阿布定
 噶珊即額爾齊斯河入海之口山至其西岸

而止一支西北行繞布斯堆湖北岸分二支
一支西抵伯特蘇拉河口卽布斯堆湖水入
北海處也一支折東北行有索布色噶惹河
出東麓注阿比海灣郭郭達瓦河出西麓注
色達登海灣山脈亦分爲二一東北一西北
各抵海灣而止其右支復分爲二大支一大
支北行繞布斯堆湖之西又北分二支一繞
伯特蘇拉河西直抵北海一西北過郭爾郭
瓦河源繞其西衛色克達河出其西麓山至

海岸又折而西沿海行至墨三城而止墨三
城者美森河入海口也一大支折而西過蓋
郭羅特城北卽圖理琛所記改郭羅多也南
麓有數水發源皆入喀穆河其北麓則衛色
克達河也又西喀穆河出南麓東南流注佛
爾格河山脈又折西南行又折西行瓦特噶
河烏薩河羅佛羅瑪河皆出南麓一水出北
麓注蘇吉納河又西抵倭羅克達城南繞佛
爾格河北岸凡南麓水皆入佛爾格河又折

而北有數水發源東麓注蘇吉納河北至亞
干日城入白海又折而西自此多叢林密箐
山形若隱若見色克納河出南麓注佛爾格
河一水出北麓注白海又折而西其北麓爲
額納噶大湖卽寬田吉思海也速不台之師
蓋沿烏拉嶺而至此矣又西南繞佛爾格河
北岸折西南佛爾格河出東麓東南流七千
餘里而注裏海是爲俄羅斯最大之川自是
山脈又分爲二其一支南行格勒斯瑪河出

東麓注佛爾格河涅博爾河出西麓注黑海
又南科拉河德斯訥河出西麓入涅博爾河
又有諸小水出東麓入鄂噶河又南折東南
行鄂噶河出北麓北流注佛爾格河薩穆爾
河出南麓西流注涅博爾河多訥特斯河出
東麓注端河又東南分二支均抵黑海北岸
一西南行至涅博爾河入海處一東南行至
端河入海處此烏拉嶺山脈之所極也天下
之山皆祖崑崙魏源以烏拉嶺爲葱嶺北幹

卽崑崙之西北一支云

高加索山

臣秋濤謹案南懷仁坤輿圖說曰亞細亞洲高架所山高一百三十一里二百零四丈卽今俄羅斯南境之高加索山也其山西起黑海東枕裏海長二千三百里山嶺連亘峯巒突起壁立萬仞冰雪凝積墜必傷人地多斥鹵古有火山今已息燄尙存溫泉鹹湖襟帶其間地內恒出石漿石漆皆火山遺跡也

阿拉辣山

臣秋濤謹案阿拉辣山在俄羅斯南新藩亞爾美尼部境內祆教之徒相傳以爲洪水時有挪亞者乘舟避患及水消其舟至阿拉辣山而泊焉卽此山也

里弗依山

臣秋濤謹案坤輿圖說曰莫斯箇未亞國有里弗依山高八十三里零七十二丈莫斯箇未亞卽俄羅斯也魏源曰葱嶺亦名雪山亦

名香山而西域記則稱在香山之南雪山之北者蓋葱嶺西北出之幹為香山坤輿圖說有里弗依山其高次於葱嶺當即香山矣又曰里弗依山地圖作大布里山在烏拉嶺北即葱嶺北幹也在俄羅斯境內

加美內波亞山

臣秋濤謹案地理備考云歐羅巴州各山其至高且大者有九一名加美內波亞山分呢囉嘶國為一半於歐羅巴半於亞細亞一名

烏拉爾山在歐羅巴亞細亞之間按烏拉爾山已見前加美內波亞山諸書未載附記於此俟考

阿爾泰山正幹分支總論

一統志曰阿爾泰山即古金山在特思河西北綿亘二千餘里高入霄漢盛夏積雪不消為西北諸山之祖其頂在烏普薩西北支峯蔓壑分為四枝正北一枝隨額爾齊斯河以北入俄羅斯境不知其遠近

臣秋濤謹案正北一枝今詳考其所經見麻科佛斯科嶺

條其東北一枝遶特思河之北千里東爲唐努
山又東北接杭愛山之陰北抵色楞格河其河
東一枝臣秋濤謹案謂額爾齊斯河之東也爲烏藍郭馬山繞奇
勒稽思泊之北又東南爲白勒奇那克科山又
東爲昂奇山空格依河出其南麓烏海河出其
東北麓又北爲馬噶喇山布勒噶蘇台河出其
東麓又東北爲大山喀喇河諸水出其南麓其
南一枝蜿蜒不斷納鄰河呼勒秦河哈流圖河
納斯克河布勒濟河哈巴河奇蘭河喀喇額勒

奇思河阿額勒齊思河俱出其西麓哈勒奇薩
河呵普都河出其東麓山勢旋折而東布顏圖
河出其北麓布拉青吉兒河札克台河出其南
麓又東爲阿爾泰山之尾又東南復分二支如
黑雲二道界瀚海中其東爲庫克西勒山又東
北接巴顏山其南枝爲都特嶺布帶山圖古克
里河出其西麓又南爲布勒堪山空鄂洛阿濟
罕山層峯不斷千餘里橫截沙漠爲阿爾班岳
達察嶺又東南爲古爾板賽漢山其南爲諾默

渾山其東南爲五百根山至空可喀喇龍山而止自空鄂洛阿濟罕山南而爲奇齊格納山拜轟鄂爾山查喇圖山至伊塔特圖山而止此皆北幹阿爾泰上游之脈絡也又云其南八十里天山自西方來亦蜿蜒而東南橫亘沙漠中千餘里又東爲活爾活圖山至色公哈占山而止色公哈占山北至空可喀喇龍山二百里南踰瀚海至套北陰山五百里魏源曰此天山中幹支脈之與北幹對值也又曰杭愛山在鄂爾渾河之北直陝西甯夏

北二千里翁金西北五百餘里其山最爲高大山脈自西北阿爾泰山來東趨踰鄂爾坤土喇諸水爲大興安肯特諸山又自山西枯庫嶺北折環繞色楞格河上流諸水發源之處抵俄羅斯國界千餘里鄂爾坤塔密爾諸河皆發源於此又曰大興安嶺在敖嫩河北小肯特山東自此綿亘而東直抵黑龍江入海處山之南爲喀爾喀界山之北爲俄羅斯國界魏源曰此北幹下游杭愛山至

興安嶺盡東海之脈絡也自古語北幹者莫詳於是

魏源曰問漠北阿爾泰山爲北幹而僧一行所稱北幹者僅中幹則聞命矣惟阿爾泰山之南和闐山之北則當以天山爲中幹今乃謂中幹出于闐之南山者何阿爾泰山之西爲額爾齊斯河其水經俄羅斯入北海故或疑北幹與葱嶺不相屬而謂四大幹皆原葱嶺者何兩山之間必有大川長江大河旣爲三幹中之大界水自當各有天然入海之道乃龍門底柱皆冒中幹山脊而過人力開鑿而成竟莫知大禹未鑿

以前黃河故道安在者何北幹中幹皆盡於興安大嶺則兩幹又似合爲一幹者何曰蓄是四疑貽誤千古夫北幹阿爾泰山之脈正從天山而來由伊犁博羅塔拉之西遶額爾齊斯河宰桑泊之東北而起阿爾泰山是葱嶺者天山之始祖天山者北幹之少祖天山以阿爾泰爲正幹而其東趨巴里坤哈密者特其分幹分幹短而正幹長故北幹興安大嶺盡於東海視哈密分幹多行六七千里其孰正孰輔判然徑庭矣

哈密餘支東北盡於安西州之布隆吉河河北
爲天山支麓河南爲祁連山正幹玉門關嘉峪
關皆建於此正扼二幹之交會而祁連山脈則
上起于闐中經青海下爲賀蘭山陰山與天山
之脈不相屬故自僧一行以來皆以三危積石
爲塞垣北戒之祖不言祖於天山蓋葱嶺河源
經回部匯於蒲昌海在天山之南于闐山之北
故回疆三面皆山惟以東隅爲泄水之口則自
蒲昌海東至玉關沙磧千餘里又自玉關東至

遼西瀚海六千餘里卽北幹中幹天然之大界
也使水行沙磧不滲不瀦則蒲昌之水必經龍
堆出玉關挾布隆吉河居延澤之水東會克魯
倫河黑龍江入海矣無如沙漠旱海水小卽滲
水大卽瀦窮荒枯磧生氣不鍾於是潛源重發
於青海之上遂以北幹之界水溢出中幹是爲
一變河入中幹以後仍隨中幹左枝山脈北流
由甘州出塞繞河套以賀蘭山陰山障其北連
峯疊嶂偪之入塞至雍冀間而中幹左右兩枝

交會界水愈狹不足受河於是懷山襄陵或東
決平陽或西泛關中尸子言古者呂梁未鑿河
出孟門之上故禹不得不闢龍門析底柱以納
之使河槽歸一是前則伏出於中幹之底繼則
顯冒乎中幹之脊是爲再變使循北幹界水之
常不入中幹則大漠絕塞皆水草饒沃之地人
物繁庶而生氣何由獨鍾中原乎天地之氣聖
不能違乃漢武帝時齊人延年上書請徙河塞
外不入中國試問徙於旣入中幹以後乎則必

使河從朔方冒陰山大磧而過也徙於未入中
幹以前乎則必使蒲昌海水穿龍堆千里之沙
再絕瀚海六千里之漠不滲不瀦而東也不察
天地之氣不明水土之性不考支幹之形勢尙
足語疏導辨方略乎若職方外紀圖以阿爾泰
爲金山杭愛爲西金山外興安大嶺爲東金山
最著北幹之脈惜無遵用之者若夫于闐中幹
復分數支其在黃河北大漠南者爲中幹之北
幹在黃河南漢水北者爲中幹之中幹在漢南

江北者為中幹之南幹此則九能之士類能道
之今不更僕焉

朔方備乘卷二十三

知縣林 穗初校
知縣丁紹基覆校

